

第一讲：交错的亚洲宗教史

【阅读文献】

【1】

- 《旧唐书》卷一九六《吐蕃上》(5239页):
“武德初，薛仁果奄有陇上之地，至于河虜。李轨尽有凉州之域，通于磧外。贞观中，李靖破吐谷浑，侯君集平高昌，阿史那社尔开西域，置四镇。前王之所未服，尽为臣妾，秦汉之封域，得议其土境耶”。
- 《册府元龟》卷一千《外臣部》(11733页)
大食国以高宗龙朔中，击破波斯，又破拂菻，又南侵波罗门，并吞诸国，胜兵四十余万。
- 《册府元龟》卷九九五《外臣部》(11686页):
(永徽)五年五月，大食引兵击波斯及米国，皆破之。波斯五(王)伊嗣侯为大食兵所杀，伊嗣侯之子卑路斯走投吐火罗，遣使来告难，上以路远不能救之。寻而大食兵退，吐火罗遣兵援。立之而还。
- 《通典》卷一九三《边防九》“大食”(中华书局校点本，5279页):
大食，大唐永徽中，遣使朝贡云。其国在波斯之西。或云：初有波斯胡人，若有神助，得刀杀人。因招附诸胡，有胡人十一来，据次第，摩首受化为王，此后众渐归附，遂灭波斯，又破拂菻及婆罗门城，所当无敌。兵众有四十二万，有国以来三十四年矣。

【2】

《旧唐书》卷一九八《西戎·吐蕃》。

【3】

舒元舆《鄂州永兴县重岩寺碑铭》:

故十族之乡，百家之闾，必有浮屠为其粉黛。国朝沿近古而有加焉，亦容杂夷而来者，有摩尼焉，大秦焉，袄神焉，合天下三夷寺，不足当吾释寺一小邑之数。

【4】

宋释志磐《佛祖统纪》卷三九

武则天延载元年(694)“波斯国人拂多诞持《二宗经》伪教来朝”【明代何乔远《闽书》卷七“慕闍当唐高宗朝，行教中国。至武则天时，慕闍高弟密乌没斯拂多诞复入见，群僧妒馋，互相击难。则天悦其说，留使课经”】

【5】

《大秦景教流行中国碑》全文，另见。

【6】

《日本书纪》卷十九（日本古典文学大系本，岩波书店，1965, 1987）：

钦明天皇十三年冬十月，“百济圣明王（更名圣王）遣西部姬氏达率怒利斯致契等，献释迦金铜佛像一躯，幡盖若干，经论若干卷，别表赞流通礼拜功德云，‘是法于诸法中最为殊胜，难解难入，周公、孔子尚不能知，此法能生无量无边福德果报，乃至成办无上菩提【以上，用义净长安三年（703）所译《金光明最胜王经》之文字——原注】。譬如人怀随意宝，逐所须用，尽依情，此妙法宝亦复然，祈愿依情无所乏。且夫远自天竺，爰至三韩，依教奉持，无不尊敬。由是，百济王臣明，谨遣陪臣怒俐斯致契，奉传帝国，流通畿内，果佛所记我法东流’。是日，天皇闻已，欢喜踊跃。诏使者云：朕从昔来，未曾得闻如是微妙之法，然朕不自决，乃历问群臣。曰：西蕃献佛，相貌端严，全未曾有，可以礼不？苏我大臣稻目宿祢奏曰：‘西蕃诸国，一皆礼之，丰秋日本，岂独背也？’物部大连尾舆、中臣连镰子同奏曰：我国家之王天下者，恒以天地社稷百八十神，春夏秋冬祭拜为事，方今改拜蕃神，恐致国神之怒。天皇曰：宜付情愿人稻目宿祢，试令礼拜。大臣跪受而忻悦，安置小垦田家，勤修出世业为因净，舍向原家为寺。于后，国行疫气，民致夭残，久而愈多，不能治疗。物部大连尾舆、中臣连镰子同奏曰：昔日不须臣计，致斯病死，今不远而复，必有庆，宜早投弃，恳求后福。天皇曰：依奏。有司乃以佛像，流弃难波崛江，复纵火于伽蓝，烧燬更无余。于是，天无风云，忽灾大殿。”（101-103页）

【7】

《历代法宝记》（大正藏第五十一册，179页）

師子比丘付囑舍那婆斯已，故從中天竺國來向罽賓國。王名彌多羅掘。其王不信佛法，毀塔壞寺，殺害眾生，奉事外道末曼尼及彌師訶等。時師子比丘故來化此國，其王無道，自手持利劍，口云：若是聖人，諸師等總須誡形。時師子比丘示形，身流白乳。末曼尼、彌師訶等被刑死，流血灑地。其王發心歸佛，即命師子比丘弟子。師子比丘先付囑舍那婆斯已，入南天竺國，廣行教化，度脫眾生。王即追尋外道末曼弟子及彌師訶弟子等，得已，於朝堂立架懸首，舉國人射之。罽賓國王告令諸國，若有此法，驅令出國。因師子比丘，佛法再興。